

洪範政鑒

洪範政鑒卷第七之上

金行上

傳曰好戰攻鄭康成曰參伐為輕

輕之者不重民命春秋謂之象

師出者不正反戰不勝也

天街甘氏經曰天街保塞孔

塗道衛保塞城郭之象也

違則金不從革鄭康成曰君行此四者為逆

兵則金不從革天西宮之政西宮於地為金

金性從刑而革人所為器者也無故治之

不銷或入火飛亡或鑄之裂形是為不從革

其他變異皆屬人君言不見從則金鐵亦不

意從人更可銷鑄也

又曰言之不從是謂不义鄭康成曰又治也

能治厥各僭鄭康成曰君臣厥罰常陽鄭康成曰

其主秋秋氣殺殺氣失故常陽春秋考異鄭

曰君行非是則言不見從言不見從則下不

治下不治則僭差過制度奢侈驕泰天子僭

天大失僭人主諸侯僭上陽無以制從心之

喜上憂下則常陽從之推設其跡考之天意

則大旱不雨而民庶大災傷淮南子曰殺不

事則國厥極憂鄭康成曰殺氣時則有詩妖

赤地鄭康成曰時則有介蟲之孽鄭康成曰錄

詩言志也時則有大禍鄭康成曰時則有白眚白祥

則有口舌之病鄭康成曰時則有白眚白祥

惟木沴金

說曰金西方萬物既成殺氣之始故立秋而

鷹隼擊秋分而微霜降其於王事出軍行師

把旄仗鉞誓士衆抗威武所以征畔逆止暴

亂也詩云有虔秉鉞如火烈烈商頌長發之詩也又

曰載戢干戈載橐弓矢周頌時邁之詩也動靜應誼

說以犯難民忘其死顏師古曰以和悅使人雖犯危難不顧其死生

金得其性矣若迺貪欲恣睢務立威勝顏師古曰

惟音呼不重民命則金失其性蓋工冶鑄金

季切

鐵金鐵冰滯涸堅不成者衆

顏師古曰涸計與汪同汪凝也

及爲變怪是爲金不從革言之不從從順也

是謂不义义治也孔子曰君子居其室出其

言不善則千里之外違之況其邇者乎詩云

如蜎如蜎如沸如羹

大雅蕩之詩也

言上號令不順

民心虛譁憤亂則不能治海內失在過差故

其各僭僭差刑罰妄加羣陰不附則陽氣勝

故其罰常陽旱傷百穀則有寇難上下俱憂

故其極憂君炕陽而暴虐

顏師古曰炕陽者枯涸之意謂無惠

澤於下

臣畏刑而柑口則怨謗之氣發於訶謠故有詩妖介蟲孽者謂小蟲有甲飛揚之類陽氣所生於春秋爲螽今謂之蝗皆其類也於易允爲口犬以吠守而不可信言氣毀故有犬禍一曰旱歲犬多狂死及爲怪亦是及人則多病口喉欬者故有口舌之病金色白故有白眚白祥凡言傷者病金氣金氣病則木沴之其極憂者順之其福曰康寧劉歆曰天文西方參爲虎星故爲毛蟲之孽

# 金不從革

漢武帝征和二年春涿郡鐵官鑄錢錢銷皆  
飛上去其三月涿郡太守劉屈釐為丞相後  
坐巫蠱事屈釐戮死

鐵飛屬金  
不從革

成帝河平二年沛郡鐵官鑄錢不下隆隆如  
雷聲又如鼓音工十三人驚走音止還視地  
地陷數尺鑪中銷鐵散如流星上去其夏帝  
舅王氏五人封侯王鳳秉政為王商譖免官  
自殺又許后坐巫廢而趙后賊害皇子帝遂

亡嗣

魏明帝青龍中、盛脩宮室、取長安金狄承露盤、折聲聞數十里、金狄泣、於是留霸城、此金失性之異

晉惠帝元康三年、閏二月、殿前六鍾皆出涕、五刻止、前此賈后殺楊太后於金墉城、而賈后爲惡不止、故鍾出涕猶傷之也

永興元年、成都王伐長沙王、每夜戈戟鋒有火光如燭、此輕人命、好攻戰、金失性而爲變



也。天戒若曰：兵猶火也，不戢將自焚。成都  
不悟，終敗。

懷帝永嘉元年，項縣有魏豫州刺史賈逵石  
碑生金，可採此金，不從革爲變也。

晉清河王覃爲世子時，所佩金鈴忽生起如  
粟者，王母疑不祥，毀之。覃惠帝之子，立太子  
卒，爲司馬越所殺。

元帝永昌元年，甘卓將襲王敦，還家多變怪。  
覽照不見其頭，此金失性爲妖也。尋爲敦所滅。

海西公太和中會稽山陰起倉鑿地得兩大  
船滿中錢錢皆輪文大形時日向暮鑿者馳  
以告官夜遣防守甚嚴至旦失所在惟船存  
安帝義熙初東陽太守商仲文覽照不見其  
頭尋亦誅

占與甘  
卓同

後趙石季龍時鄴城鳳陽門上金鳳皇二頭  
飛入漳河亦失性之罰

南齊明帝建武四年帝出舊宮送綏安主降  
嬪帝輦上金鳳皇翅無故自折落地明年帝

晏駕

陳後主祥明二年五月東冶鐵鑄有物赤色大如斗自天墜鎔所隆隆有聲鐵飛破屋四散燒人家時帝與隋雖結好遣兵度江掩襲將士勞弊東冶者陳人鑄兵之所鐵飛變者金不從革之應天戒若曰陳國小兵弱當以和好爲固無鑄兵黷武以害百姓後又遣陳紀蕭摩訶數寇江北民不堪役未幾爲隋所滅唐明皇初東都白馬寺鐵像頭無故自落後

姚崇秉政澄汰僧尼其法頗峻亦金失性所致  
石祥

劉歆曰春秋石言于晉案金石同類亦金不  
從革失性之應魯昭公八年石言於晉晉平  
公問於師曠曠曰石不能言神或馮焉作事  
不時怨讟動民則有非言之物而言今宮室  
崇侈民力彫盡時晉侯方築虎祁之宮  
虎祁在絳  
汾西臨叔向曰君子之言信而有驗  
秦始皇三十六年石隕東郡民或刻其石曰

始皇死而地分此皆號令不從孤陽獨治羣  
陰不附所致一曰石陰類陰持高節臣將危  
君趙高李斯之象也始皇不畏反夷滅其旁  
民燔燒其石是歲始皇  
死後三年秦滅

漢昭帝元鳳三年泰山萊蕪山南匈匈有聲  
民視之大石自立高大五尺大四十八圍  
入地深八尺三石為足眭  
孟曰石陰類下民象泰山岱宗之嶽王者易  
姓告代之處當有庶人為天子者京房曰自  
上下者為摧厥應泰山之石墜而下聖人受

命人君虜

又曰、石立如人、庶士爲天下雄立於山、同姓、平地、異姓、立於水、聖人

於厚  
小人

成帝鴻嘉三年、天水冀南山、大石鳴聲隆隆

如雷有頃、乃止、聞于平襄二百四十里、野雉

皆鳴

石長一丈三尺、廣厚略等

民俗曰、石鼓鳴有兵、是歲

廣漢鉗子謀攻牢、篡死罪囚盜庫兵劫略吏

民衣繡衣、自號曰山君、黨與寢廣明年誅

魏時張掖石瑞雖是晉之符命而於魏爲妖

好攻戰、輕百姓、飾城郭、侵邊境、魏氏三祖皆

有其事石圖發於非常之文此不從革之異也  
晉定大業多斃曹氏石瑞文大討曹之應也  
魏明帝青龍三年正月隕石于壽光左氏曰  
隕石星也劉歆曰庶衆惟星隕於宋者象宋  
襄公將得諸侯而不終也

吳孫亮五鳳二年五月陽羨離里山大石自  
立干寶曰孫皓承廢故家得位之應也或曰  
孫休見立之祥

孫皓天璽元年石印發又陽羨山有石穴長

十餘丈。皓初脩武昌離宮。有遷都意。出東關。遣丁奉至合肥。大舉出華里。皆飾城郭。侵邊境之應。未幾。吳亡。

晉惠帝大安元年。丹楊湖熟縣夏架湖有大石浮。二百步登岸。民驚。譟相告曰。石來。干寶曰。尋有石冰入建鄴。

愍帝建興五年。石言于平陽。時帝蒙塵。亦在平陽。故有非言之物而言。妖之大者。俄而帝被弑。



後趙石虎時濟南平陵城北石獸夜移城東南善石溝上有狼狐千餘迹隨之迹皆成路虎悅曰獸者朕也自平陵城北而東南者天意使朕平蕩江南之應

後齊後主武平三年白水巖下青石壁有文曰齊亡走人改之爲上延以獻帝以爲嘉瑞後周師入國後主果棄鄴走

隋文帝開皇十七年石隕於武安滏陽間十餘占石隕者君有危殆後七年帝晏駕

開皇末高祖於宮中埋二小石於地以誌置  
牀之所未幾變爲玉案占王者至貴賤將爲  
貴之象大業末盜賊皆僭名號

煬帝大業十三年西平郡有石文曰天子立  
千年識者曰千年者身後之意今稱立千年  
者禍非遠明年被弒

五代晉少帝開運元年七月一御明德門宣  
赦大雨門內井亭石盆走水槽有龍首悉飄  
數十步而龍首斷識者曰石國姓也石氏其

遷乎後果陷虜

玉祥

魯昭公三十四年十月王子鼃以成周寶圭  
沈于河冀獲神助明日津人得之河上陰不  
佞取將賣之則爲石時王子鼃篡天位萬民  
不嚮號令不從故有玉變爲石貴將爲賤之  
驗後二年子鼃奔楚死

秦始皇三十六年鄭客從關東來至華陰見  
素車白馬從華山上持璧與客曰爲我遺鎬

池君

武王居鎬鎬池君則武王也

因言今年祖龍死忽不

見鄭客奉璧即始皇二十八年過江所沈璧也  
晉惠帝時東嬴王騰自并州遷鎮鄴次真定  
時久雪當門數丈獨消釋怪而掘之得玉馬  
高尺許口齒缺騰以馬者國姓表送之爲瑞  
然馬無齒則不食天衰之兆

前趙劉曜時長安人劉終於終南山堆處得  
白玉方尺有文曰皇亡皇亡敗趙昌井水竭  
構五梁靈西小衰困囂喪嗚呼嗚呼赤牛奮

勒其盡乎、羣臣咸賀以爲勒滅之兆。劉均曰：終南京師之鎮無故而壘其凶焉。王於山石也。猶君之於臣下。山壘石壤象國傾人亂。皇亡。皇亡敗趙昌者。此言皇室將爲趙所敗。趙因而昌。今趙都於秦雍而勒跨全趙。趙昌之應當在石。勒不在我也。井水竭。井五梁者。井謂東井。秦分五謂五車。梁謂大梁。五車大梁趙分也。此言秦將滅以構成趙也。噩者歲之次名作噩也。言作噩酉年當有敗軍殺將之

事因謂困敦歲在子之名元囂亦在子之次  
言歲馭於子國當喪赤牛奮鞞謂赤奮若在  
丑之歲牛謂牽牛東北維之宿丑之分言歲  
在於丑當滅亡盡無復遺也此其誠悟陛下  
勤脩德化以禳之曜撫然改容後果如言

後齊文宣天統初岱山封禪壇玉璧自出紫  
占岱山王者易姓告代之所玉璧所用幣而  
自出將有易姓者用幣之象其後齊亡入周  
隋祖受周禪焚柴太山告祠之應

唐高宗上元三年、楚州刺史崔旆獻定國寶  
十三、一元黃天符形如笏長八寸、辟人間兵  
役、二玉雞毛白孝理天下則見、三穀璧粟粒  
無雕鐫之迹、王者得之、五穀豐熟、四西王母  
白環所在外國歸伏、六如意寶珠犬如雞卵  
七紅靺鞨大如巨栗、八瑯玕珠九玉缺形如  
玉環四分缺一、十主印犬如半手理如鹿形  
陷入印中、十一皇后採桑鈎如箸屈其末、十  
二雷公石斧十三闕寘之日中白氣連天、初

楚州尼曰、真如、有人接之昇天、天帝曰、下方有災、令第二寶鎮之、即以十三寶付真如、時肅宗不豫、以爲瑞、乃改元寶應、傳位皇太子

洪範政鑒卷第七之上



洪範政鑒卷第七之下

金行上

言之不從

周單襄公與晉卻錡卻犇卻至齊國佐語告  
魯成公曰晉將有禍三卻其當乎夫卻氏晉  
之寵人三卿而五大夫可以戒懼矣今卻伯  
之語犯叔迂季伐伯駒伯也叔苦成叔也季溫季也犯侵也迂夸誕也  
伐殺尚也犯則陵人迂則誣人伐則掩人有是寵  
也而益之以三怨其誰能忍之雖齊國子亦

將與焉立亡國而好盡言以招人過怨之本

也其後晉殺三卻齊殺國佐皆言不從之咎

晉穆侯以條之役生太子名之曰仇條晉地敵來侵

已當戰時而生故其弟以千晦之戰生名之

曰成師叔也千晦亦地名師服曰異哉君

之名子也師服晉大夫夫名以制誼誼以出禮是

以政成而民聽嘉耦曰妃怨耦曰仇古之命

也今君名大子曰仇弟曰成師始兆亂矣兄

其替乎及仇嗣立是為文侯文侯卒子昭侯

立封成師于曲沃號栢叔

昭侯國亂身危不能自安故封成師

為曲沃伯

後晉人殺昭侯而納栢叔不克復立昭

侯子孝侯栢叔子嚴伯殺之卒滅其國

鄭公子曼滿與王子伯廖語欲為卿

曼滿伯廖皆鄭

夫伯廖曰無德而貪其在周易豐之離

豐上六變

而之離曰豐其星蔽其家

弗過之矣

言無道德而大其星不過二歲必滅亡

間一歲鄭人殺之

齊高子容與宋司徒見晉知伯汝齊相禮

高子

容齊大夫宋司徒華定知伯晉大夫荀盈汝齊晉大夫司馬侯

汝齊曰二子

皆將不免子容專司徒侈皆亡家之主也專則連及侈將以其力敝專則人實敝之將及矣九月高子出奔燕

魯穆叔會晉歸告孟孝伯曰趙孟將死矣穆叔

即叔孫穆子孟孝伯魯大夫仲孫羯趙孟晉卿趙文子其語偷不似民

主且年未盈五十而諄諄焉如八九十者弗

能久矣若趙孟死爲政者其韓子乎韓子韓宣子名

起吾子盍與季孫言之可以樹善君子也季孫

謂季武子也孝伯曰民生幾何誰能毋偷朝不及

夕將焉用榷穆叔曰孟孫將死矣吾語諸趙孟之偷也而又甚焉九月孝伯卒

周使劉定公勞晉趙孟

周景王使其卿劉定公名夏時孟與諸侯

會於魏故就而勞之

因曰子弁冕以臨諸侯盍亦遠績

禹功而大庇民乎曰老夫罪戾是懼焉能恤

遠吾儕偷食朝不謀夕何其長也劉子曰趙

孟爲晉正卿以主諸侯朝不謀夕棄神人矣

神怒民畔何以能久趙孟不復年矣

謂其即死不復

見明年

是歲秦景公弟后子奔晉

即公

趙孟問

秦君何如曰無道孟曰亡乎曰何爲一世無

道國未艾也不數世而弗能敝也孟曰天乎

其幾何幾言當曰鍼聞國無道而年穀和孰天

贊之也鮮不五稔趙孟視蔭曰朝夕不相及

誰能待五蔭謂日之蔭影趙孟自以年暮后

子曰趙孟將死矣主民玩歲而愒日其與幾

何是冬趙孟卒又五年秦景公卒

楚公子圍會盟圍楚恭王之子也爲今尹設

服離衛設服者設人君之服二人執魯叔孫

戈在前離列人君之侍衛也

穆子曰楚公子君哉穆子叔孫豹也伯州犂曰此行

也假之寡君鄭行人子羽曰假不反矣公孫明

也揮字伯州犂曰子姑憂子哲之欲背誕也子哲

殺伯有今又背盟欲復作亂子哲鄭大夫公孫黑子且自憂此無憂令尹齊國子

曰吾代二子閔矣國子齊大夫國弱也二子

是年篡位而不能令終州陳公子招曰不憂

何成二子樂矣招陳公子哀公弟也言因衛

齊子曰苟或知之雖憂不害齊子衛大夫齊

雖有憂難無所損害退會子羽曰齊衛陳大夫其不免

乎國子代人憂子招樂憂齊子雖憂弗害皆

取憂之道也三大夫北憂矣能無至乎

夏北也

言以知物其是之謂矣

物類也察所言知禍福之類

晉籍談如周葬穆后

籍談晉大夫也穆后周景王后

既除喪

而燕王曰諸侯皆有以填撫王室晉獨無有

何也

謂獻器物

籍談曰諸侯皆受明器於王室故

能薦彝器

明器明德之器彝器可寶用之器

晉居深山戎翟

與鄰拜戎不暇其何以獻器談歸以語叔向

叔向曰王其不終乎吾聞所樂必卒今王樂



憂若卒以憂不可謂終王一歲而有三年之

喪二焉

為太子三年妻死三年乃娶達子之志言三年之喪二后及太子也於

是乎以喪賓燕又求彝器樂憂甚矣三年之喪雖貴遂服王雖弗遂燕樂已早一動而失二禮無大經矣

魯哀公十六年孔丘卒公誄之曰旻天不弔

不慙遺一老俾屏予一人

慙且辭也言旻天不善於魯不且遺

一老使屏蔽我一人也

子貢曰君其不歿於魯乎夫子

曰禮失則昏名失則慙失志為昏失所為慙

生弗能用死而誅之非禮也稱予一人非名也

天子自稱曰予一人非諸侯之號

君兩失之後孫于邾遂

死於越

漢安帝永初元年十一月民訛言相驚司隸并冀州民人流移時鄧后專政婦人以順爲道故禮夫死從子命今專王事此言不從而僭也

章帝建初五年東海六郡民訛言相驚有賊捕至京師民皆入城

魏齊王嘉平初東郡訛言白馬河出妖馬夜過官牧邊嗚呼衆馬皆應明日見其跡大如斛行數里還入河楚王彪本封白馬兗州刺史令狐愚以彪有智勇及聞此言遂與王淩謀共立之事泄淩愚被誅彪賜死此言不從之罰也

蜀後主嗣位譙周曰先主諱備其訓具也後主諱禪其訓授也若言劉已具矣當授與人甚於晉穆侯漢靈帝命子之祥也蜀果亡此

言之不從

初禪即位未葬亦未踰月改元建  
興亦言之不從也禮國君踰年改

元者緣臣子之心不忍一年二  
君也今可謂至而不知禮義矣

魏明帝太和中姜維歸蜀失其母魏人使其  
母手書呼維并送當歸以譬之維報書曰良  
田百頃不計一畝但見遠志無有當歸維卒  
誅死

景初元年有司奏帝爲烈祖與太祖高祖並  
爲不毀之廟從之案宗廟祖宗之號皆身沒  
名成故雖功赫天壤未有豫定之典此蓋言

之不從也。後二年晏駕。

吳孫休時烏程人有得困病及差能以嚮言者言於此而聞於彼自其所聽之不覺其聲大自遠聽之如人對言不覺聲自遠來聲之所往隨其所向遠者十數里其鄰人有責息於外歷年不還乃假之使爲責讓懼以禍福負物者以爲鬼神即眞倒界之其人亦不知所以然此言不從之咎也。

魏時起安世殿武帝後居之安世武帝字也。

武帝每延羣臣多說平生常事未嘗及經國遠圖此言不從也何曾曰國家無貽厥之謀及身而已後嗣其殆乎自永熙後王室漸隳天下大壞曾子綏以非辜被殺皆如曾言

晉趙王倫廢惠帝於金墉城號金墉爲永安宮帝尋復位倫誅

惠帝永興元年廢太子覃爲清河王立成都王穎爲皇太弟加侍中大都督領丞相備九錫封二十郡如魏王故事案周禮傳國以嗣

不以勲故雖公旦不易成王之嗣所以遠絕  
覬覦今擬非其實僭差已甚且旣爲國嗣不  
應復開封土兼領庶職此言之不從進退乖  
爽故帝旣播越潁亦不終其各僭也後猶不  
悟又立懷帝爲皇太弟懷終流弑不永厥祚  
又其應也

元帝永昌二年王敦下據姑孰百姓訛言行  
蟲病食人大孔數日入腹則死療之以白犬  
膽爲藥自淮泗及京都百姓驚擾皆自云已

得蟲病又云始在外時當燒鐵灼之於是翕然被燒灼者十七八矣白犬暴貴至相請奪其價十倍或有云能行燒鐵灼者賃灼百姓日得五六萬億而後已四五日漸靜說曰裸蟲人類今云蟲食人言本同臭類而相殘賊也自下而上明其逆也必入腹者害由中不由外也犬有守衛之性白者金色膽用武之主帝王之運主霸會於戊戌主用兵金者晉行火燒鐵以療疾者言必去其類而來火與



金合德共除蟲害也。案中興之際，敦以腹心受伊呂之任，而遂攻京邑。又有異謀，是以下逆上，腹心內爛。及錢鳳沈充逆兵四合，爲王師所挫，踰月而不能濟。水北劉遐、蘇峻率淮泗之衆以救朝廷，故其謠言首作於淮泗。朝廷卒以弱制強，罪人授首，是白犬膽可救之効。海西公時庾晞喜爲挽歌，自搖大鈴爲唱。左右齊和，又讌會輒令倡妓作新安人歌舞，離別之辭其聲悲切，時人怪之。後果敗。

大和中小兒以兩鐵相打於土中名曰鬪族  
後王國寶主孝伯一姓之中自相攻擊之應  
相靈寶篡立初改年爲大亨或曰二月了故  
義謀以仲春發也靈寶又改年建始與趙王  
倫同又改爲永始復是王莽受封之年也  
何曾薄太官御膳自取私食子劭與王愷羊  
琇之疇盛致聲色窮珍極麗夸恣成俗石崇  
之侈遂兼王何而儷人主矣崇旣誅天下尋  
亦淪喪此僭踰之各也

梁武陵王紀僭位建元天正蕭撫曰王不克  
矣昔桓靈寶年號大亨以爲二月了今日天  
正正之爲文一止其能久乎果一年敗

北齊文宣時太子高澄當冠詔令邢子才制字  
子才字之曰正道帝曰正一止也吾兒其替  
乎子才請改不許曰天也因顧常山王演曰  
奪時任汝情無殺及帝崩太子嗣位常山果  
廢而自立高澄尋見害

後齊武成時左僕射和士開言於帝曰自古

帝王盡爲灰土堯舜桀紂終亦何異陛下宜  
及少壯恣意歡樂一日可以當千年無爲自  
勤約也帝悅其言士開既導帝非道身又擅  
權果爲誅殺

後主武平中陳人寇彭城後主發言憂懼韓  
長鸞曰縱失河南猶得爲龜茲國子淮南今  
沒何足多慮人生幾何時但爲樂不須憂也  
帝悅遂耽荒酒色不以天下爲虞未幾爲周滅  
後主旣爲周師所敗走至鄴自稱太上皇傳

位於太子。常改元隆化。時人離合其字爲宇。文亡日。是年六月。武成晏駕。

宣帝在東宮時。不脩法度。武帝數撻之。及嗣位。摸其痕。大罵曰。死晚也。及改元。又爲大象。蕭歸離合其字曰天子冢。明年。帝晏駕。

梁主蕭琮改元廣運。江陵父老曰。運之爲字。軍走也。吾君當爲軍所走乎。其後琮朝京師。被拘留。不反。梁遂廢。

隋文帝名皇太子曰勇。晉王曰英。秦王曰俊。

蜀王曰秀開皇初有上書者曰勇者一夫之用又千人之秀爲英萬人之秀爲俊斯乃布衣稱非帝王嘉名帝不省時人呼楊姓多爲羸者或言楊英反爲羸殃帝聞不懌遽改之其後勇俊秀皆廢黜煬帝嗣位終失天下卒爲楊氏之殃

煬帝即位年號大業識者惡之曰於字離合爲大苦未也尋而天下喪亡遭荼炭之酷煬帝常謂虞世南曰我性不欲人諫若位望

通顯而來諫我以求當世之名彌所不耐至  
卑賤之士雖少寬假然卒不置之於地議者  
以帝惡直言讎諫士其能久乎未幾國亡  
僭常陽若

劉向曰春秋大旱也其夏旱雩祀謂之大雩  
不傷二穀謂之不雨

京房曰欲德不用茲謂張

孟康曰欲得賢者  
而不用徒張此意

厥災荒旱也其旱陰雲不雨變而赤因而  
除師出過時茲謂曠

李奇曰曠  
怨曠也

其旱不生上

下皆蔽茲謂隔其旱天赤三月時有電殺飛

禽上緣求妃茲謂僭

顏師古曰緣歷也歷衆起而求妃妾

其旱

三月大溫亡雲居高臺府茲謂犯陰侵陽其  
旱萬物根死數有火災庶位踰節茲謂僭其  
旱澤物枯爲火所傷

莊公三十一年冬不雨是歲一年而三築臺

春築臺于郎夏築臺于薛秋築臺于秦皆魯地

奢侈不恤民之効也

釐公二年十月不雨三年正月不雨四月不  
雨六月雨先是莊公夫人與公子慶父通而



殺二君

慶父、莊公弟也。二君謂子般及閔公。

國人攻之，夫人遜

于邾。慶父奔莒，釐公即位。南敗邾，東敗莒，獲

其大夫有炕陽之應。

二十一年夏，大旱，董仲舒劉向曰：齊桓既死，

諸侯從楚，釐尤得楚心。楚來獻捷，釋宋之執，

外倚強楚，炕陽失衆，又作南門，勞民興役之應。

文公二年，自十二月不雨，至于七月初，文公

即位，天子使叔服會葬。

叔服，周內史也。會葬，僖公。

毛伯賜

命。

毛伯，周卿士，賜以命圭，為瑞信。

又會晉侯于戚。

戚，衛邑，在頓丘。

公

子遂如齊納幣

為婚於齊

又與諸侯盟上

得天子外得諸侯沛然自大躋釐公主大夫

始專事

謂季孫行父也

有炕陽之應

十三年自正月不雨至七月先是曹伯杞伯  
滕子來朝邾伯來奔秦伯使遂來聘季孫行  
父城諸及郛二年之間五國趨之內城二邑  
炕陽失衆一日不雨而五穀皆熟異也文公  
時犬夫始專盟會故不雨而生者陰不出氣  
而私自行以象施不由上出臣下作福而私

自成

一日不雨近常陰之罰君弱也

襄公五年秋大雩先是宋魚石奔楚楚伐宋取彭城以封魚石鄭畔中國而附楚襄公與諸侯共圍彭城城鄭虎牢以禦楚鄭伯使公子發來聘使大夫會吳于善道外結二國內得鄭聘有炕陽動衆之應

昭公三年八月大雩劉歆曰昭公即位年十九猶有童心居喪不哀炕陽失衆

六年九月大雩先是莒牟夷以二邑來奔

年夷

莒大莒怒伐魯叔弓距而敗之昭公得入晉

夫也叔弓魯大夫時昭公適欲朝晉遇莒人來討將不果行叔弓既敗莒師公乃得去外

和大國內獲二邑取勝鄰國有炕陽動衆之應

十六年九月大雩先是昭公母夫人歸氏薨

昭不感又大蒐于比蒲比蒲魯地名晉叔向曰魯

有大喪而不廢蒐國不恤喪不忌君也君亡

感容不顧親也殆失國乎

二十四年八月大雩先是邾師城翼還經魯

地翼邾邑也魯地謂武城也魯襲取邾師獲其三大夫邾

人愬于晉晉人執我行人叔孫婼亦動衆之應

二十五年七月上辛大雩李奇曰雩旱甚也

劉歆曰時后氏與季氏有隙

后氏、邱昭伯也  
季氏、季平子也

又季氏之妻爲讒使季平子與族人相惡皆  
共譖平子昭公遂伐季氏爲所敗出奔齊

漢惠帝五年夏大旱江河水少谿谷絕時發  
民十四萬城長安城之應

文帝三年秋天下旱是夏匈奴寇上郡詔灌  
嬰發車騎士八萬擊走出塞其秋濟北王興

居反使大將軍討之又後六年春天下大旱  
先是發車騎材官屯廣昌隴西後匈奴大入  
上郡雲中烽火通長安三將軍屯邊中大夫  
車騎將軍屯飛狐故楚相蘇意為三將軍屯  
將軍屯句注將軍張武屯北也  
京師河內太守周亞夫次細柳宗正劉皆勞  
役動衆之應

武帝元光六年夏大旱是歲四將軍征匈奴

衛青出上谷公孫敖出代公  
孫賀出雲中李廣出鴈門

元朔五年春大旱是歲將軍衆十餘萬征匈奴

元狩三年夏大旱是歲發天下故吏伐棘上  
林穿昆明池

天漢元年三年夏大旱先是貳師將軍征大

宛還又發三將軍征匈奴

貳師將軍三萬騎  
出酒泉因杆將軍

出西河騎都尉李陵  
將步兵五千出居延

征和元年夏大旱是歲發三輔騎士閉長安

城門大搜治巫蠱明年衛皇后太子敗

昭帝元始六年大旱時田廣明征益州暴師

連年之應

宣帝本始三年夏大旱東西數千里先是五將軍衆二十萬征匈奴田廣明爲祁連將軍後將軍趙充國爲蒲類將軍田順爲武牙將軍及渡遼將蓋師出軍范明友前將軍韓增凡五將軍

過時之罰也

魏明帝太和二年五月大旱時崇廣官府之應也又是春司馬懿南擒孟達置二郡張郃西破諸葛亮斃馬謖亢陽自大之應

齊王正始元年二月自去冬至此月不雨時明帝晏駕曹爽轉司馬懿爲太傅外示尊崇



實欲事先由己懿功蓋魏朝欲德不用之應也  
高貴鄉公甘露三年正月自去秋至此月旱  
時文帝圍諸葛誕衆出過時之應也初壽春  
秋夏常雨淹城而此旱踰年城陷乃雨咸以  
誕爲天亡

吳孫亮五鳳二年大旱百姓饑時征役煩興  
軍士怨叛此亢陽自大勞役失衆之罰

孫皓寶鼎元年春夏旱時皓遷都武昌勞役  
動衆之應

晉武帝泰始八年五月旱時帝納荀勗邪說  
留賈充不復西鎮而任愷漸踈上下皆蔽之  
應又李憺魯芝等並在散職厥德不用之罰  
十年四月旱時採擇卿校諸葛沖等女數十  
人入殿簡選母子號哭宮中聲聞于外此積  
陰生陽上緣求妃之應

太康五年六月旱此年正月天陰解而復合  
劉毅曰必有阿黨之臣姦以事君者當誅而  
不赦時荀勗馮統僭作威福亂朝尤甚

太熙元年三月旱自太康已後雖正人滿朝不被親仗而賈充苟勗楊駿馮統迭居要重所以無年不早者欲德不用上下皆蔽庶位踰節之罰

惠帝元康七年七月秦雍二州大旱疾疫關中饑米斛萬錢因此氏羌叛解系敗績饑疫荐臻戎晉並困朝廷不能振

懷帝永嘉三年五月大旱襄平縣梁水淡池竭河洛江漢皆可涉時司馬越遣兵入宮殺

中書令繆播等九人皆僭踰之罰又四方諸侯多懷無君之心劉元海右勒王彌李雄賊害百姓流血成泥之應

愍帝建武元年六月楊州旱先是淳于伯寬死凡旱三年干寶曰刑罰妄加羣陰不附則陽氣勝之罰也

元帝永昌元年夏大旱冬又大旱川谷並竭時王敦有石頭之變二宮陵辱大臣誅死僭踰無上故旱尤甚

成帝咸康元年六月天下大旱米斗直五百  
人有相鬻者時帝以冲弱未親萬機内外之  
政決之將相此僭踰之罰故連歲旱也至四  
年王導固讓太傅復政遂不旱殆其應也  
二年三月旱三年六月旱時王導以天下新  
定務在遵養不任刑罰遂盜賊公行頻年亢  
旱亦舒緩之應

穆帝永和元年五月旱時帝在襁緥褚后臨  
朝之應

哀帝隆和元年夏旱時桓溫強恣擅朝僭踰之罰

簡文咸安二年十月大旱饑自永和至是嗣主幼沖桓溫陵僭征伐怨苦之應

孝武寧康元年三月旱時桓溫入覲闔朝致拜踰僭之應

太元十年七月旱饑時破苻堅諸將略地有事徐豫又楊亮趙統攻討巴沔頻有軍役之應十三年六月旱時北府遣戍胡陸荊州經略

河南郭銓置戍野王勞役之應

十五年七月旱十七年秋冬旱時帝以仁恕信任會稽王道子政事舒緩又如千秋竊弄主相威福丘尼乳母親黨婢僕階緣近習臨部領衆所在多上春錄囚不以其事辜建康獄吏枉暴旣甚此又僭踰不從寬濫之罰安帝隆安五年夏秋大旱十二月不雨時孫恩擾動相靈寶疑貳迫殺湯仲堪朝廷即授以荊州任司馬元顯又諷百僚悉使恭己內

外騷動兵革煩興皆陵僭憂愁之應

元興二年六月不雨冬又旱時桓靈寶奢僭之應

梁武帝天監元年大旱米斗五千人多餓死時帝起兵襄陽平建康連戰勞弊復與魏交兵不止之應也

陳文帝太建十二年春夏不雨時周師掠淮北始興王叔陵敗績淮北之地皆沒於周之應東魏孝靜天平四年并棣汾建諸州大旱人



多流散時齊西魏戰於沙苑敗績之應

武定二年冬三年春旱先是西魏師入洛陽  
神武大戰芒山死者數萬

後齊文宣天保九年夏大旱時大發卒築長  
城四百餘里勞役之應

乾明元年春旱時發卒數十萬築金鳳三臺  
窮極侈麗不恤百姓亢陽之應

河清二年四月并晉五州旱時發卒築軹關  
突厥二十萬衆毀長城寇中山

隋文帝開皇四年已後京師頻旱時遷都龍首建立宮室百姓勞弊亢陽之應

煬帝大業四年燕代綠邊諸州旱時發卒百餘萬築長城帝親巡塞表百姓失業道殣相望之應

八年天下旱百姓流亡時發四海兵親征高麗六軍凍餒死者十八九

十三年天下大旱時郡縣悉遣築城發男女無少長皆就役之應

洪範政鑒卷第七之下

洪範政鑒卷第八之上

金行下

詩妖

晉獻公時童謠曰丙子之晨龍尾伏辰初服  
振振取號之旂鷄之賁賁天策燁燁火中成  
軍號公其奔時號爲小國介夏陽之阨怙虞  
國之助亢衡於晉有炕陽之節失臣下之心  
晉獻伐之問於卜偃偃以童謠對曰克之十  
月朔丙子旦日在尾月在策鷄火中必此時

也冬十二月丙子晉師滅虢

杜預曰周十二月夏十月也言

天者以夏正

惠公時童謠曰恭太子更葬兮後十四年晉亦不昌昌乃在其兄時惠公賴秦力得立立而背秦內殺二大夫里克國人不敢更葬其兄恭太子申生而不恭故詩妖作後與秦戰為秦所獲立十四年而死晉人絕之更立其兄重耳是為文公

魯文公時童謠鸛之鳴之公出辱之鸛鳴之

羽公在外野往饋之馬鸛鵒跕跕公在乾侯

杜預曰乾侯在魏碑跕跕跕行貌

求寨與襦鸛鵒之巢遠哉

搖搖裋甫喪勞宋甫以驕

杜預曰甫者男子通號故曰裋甫

宋甫也昭公名裋欲去季氏不遂而出故曰裋甫定公名宋無德於下坐致君位故曰以

鸛鵒鸛鵒往歌來哭

杜預曰昭公生時出奔死以喪歸

至

昭公時鸛鵒來巢公攻季氏敗出奔齊居外

次乾侯八年死于外歸葬魯

漢元帝時童謠曰井水溢滅竈煙灌玉堂流

金門及成帝建始二年三月北宮中井泉稍

上溢出南流井水陰也。竈煙陽也。玉堂金門  
至尊之居。象陰盛滅陽。竊有宮室之應。王莽  
生於元帝初元四年。至成帝封侯輔政。因篡  
位。成帝時童謠曰：燕燕尾涎涎。顏師古曰：涎

張公子時相見。木門倉琅根。燕飛來啄皇孫。

皇孫死燕啄矢。時帝為微行。常與張放俱稱。

富平侯家人。過河陽主作樂。見舞者趙飛燕。

幸之。故曰燕燕尾涎涎。張公子謂富平侯也。

木門倉琅根。謂宮門銅鐻。顏師古曰：門之鋪  
首及銅鐻也。銅色

青故曰倉琅鋪首將尊貴也。後遂立爲后。賊

害後宮皇子。卒皆伏辜。即燕飛來啄皇孫。皇

孫死。燕啄矢之應。

又謠曰：邪徑敗良田，讒口亂善人。桂樹華不實，黃爵巢其顛。故爲人所羨，今爲人所憐。桂赤色，漢家象。華不實，無繼嗣也。王莽自謂黃象。黃爵巢其顛也。王莽末，天水童謠曰：出吳門，望緄羣，見一蹇人，言欲上天，今天可上，地上安得民。時隗囂初起兵於天水，欲爲天子。



遂破滅

門名少病塞吳門冀郭

更始時南陽童謠曰諧不諧在赤眉得不得  
在河北時更始在長安世祖爲大司馬平定  
河北更始大臣並僭專權故詩妖作也後更  
始爲赤眉所殺是更始之不諧在赤眉也  
光武建武六年蜀童謠曰黃牛白腹五銖當  
復時公孫述僭號於蜀時人竊言王莽稱黃  
述欲繼之故稱白五銖漢家貨明當復也述  
遂誅滅

順帝末京都童謠曰直如弦死道邊曲如鉤  
反封侯案順質之際梁冀貪樹䟽勿專國號  
令以贍其私太尉李固以清河王雅性聰明  
加又屬親立長冀建白太后策免固召蠡吾  
侯遂嗣位幽固于獄暴尸道路返封太尉胡  
廣司徒趙戒司空袁湯鄉亭侯之應

桓帝初童謠曰小麥青青大麥枯誰當穫者  
婦與姑丈人何在西擊胡吏買馬君具車請  
爲諸君鼓隴胡案元嘉中涼州諸羗俱叛入

蜀抄三輔并冀大爲民害命將出衆每戰常負中國益發甲卒麥多委棄但有婦女獲刈吏買馬君具車者言調發重及有秩者請爲諸君鼓隴胡者不敢公言私咽語

又童謠曰城上烏尾畢逋公爲吏子爲徒一徒死百乘車車班班入河間河間姹女工數錢以錢爲室金爲堂石上慊慊春黃梁梁下有挂鼓我欲擊之丞卿怒案此皆爲政貪也城上烏尾畢逋者處高利獨食不與下共謂

人主多聚斂也。公爲吏子爲徒者言蠻夷將  
畔。父爲軍吏子爲卒。徒擊之一徒死百乘車  
者言前一人往討胡。旣死矣。後又遣百乘車  
往。劉昭曰。一徒斥拉帝。帝責任左右。參委機  
政。有同囚徒之張。故言寄一徒也。且又弟  
則廢黜。身無嗣。魁然單獨。非一而何。百乘車  
者。乃國之君。解橫後召。正膺斯數。繼以班班  
尤得。車班班入河間者。言上將棄世。乘輿班  
以類。班入河間。迎靈帝也。河間姁女工數錢。以錢  
爲室金爲堂者。靈帝旣立。其母永樂太后好  
聚金爲堂也。石上慊慊春黃梁者。言永樂雖

積金錢慊慊常苦不足使人舂黃梁而食之  
梁下有挂鼓我欲擊之丞卿怒者言永樂主  
教靈帝使賣官受錢所祿非其人天下忠篤  
之士怨望欲擊鼓求見丞卿主鼓者亦復諂  
順怒止我也

又童謠曰游平賣印自有平不避豪賢及大  
姓案廷熹末鄧后以譴自殺乃以竇貴人代  
之其父名武字游平拜城門校尉及后攝政  
爲大將軍與陳蕃合心勦力印綬所加咸得

其人豪賢大姓皆絕望矣

又童謠曰茅田一項中有井四方纖纖不可  
整嚼復嚼今年尚可後年饒案易拔茅茹以  
其彙征吉茅喻羣賢也井者法也時中常侍  
管霸憎疾英哲與劉囂許詠唐珍等代作脣  
齒河內牢川詣闕上書云汝潁南陽止采虛  
譽專作威福甘陵有南北二部三輔尤甚由  
是傳考黃門北寺始見廢閣茅田一項者言  
羣賢多也中有井者言雖阨窮不失法度也

四方纖纖不可整者言姦慝大熾不可整理  
嚼復嚼者京都飲酒相彊辭也言食肉者鄙  
不恤王政徒耽宴飲歌呼而已今年尚可者  
言但禁錮也後年饒者陳實被誅天下大壞也  
又童謠曰白蓋小車何延延河間來合諧河  
間來合諧案解犢亭屬饒陽河間縣無何桓  
帝晏駕使者與解犢侯即靈帝皆白蓋車從  
河間來延延衆貌時劉儵建議立靈帝以儵  
爲侍中侯覽畏其親近必當問己乃拜儵泰

山太守令司隸迫殺之。朝廷思其功效，拔其弟郤司徒。此爲合諧也。

靈帝末，京都童謠曰：侯非侯，王非王，千乘萬騎上北芒。案中平六年，史侯登躡至尊，獻帝未有爵號，爲中常侍段珪等所執，百官皆隨其後，到河上，乃得還。此即非侯非王上北芒者也。

又京師謠歌咸言河臘臘叢進獻帝臘日生也。風俗通曰：烏臘烏臘，案董卓治天虛民窮，凶極惡，關東舉兵欲誅，轉相顧望，莫肯先進。處處傳兵數十萬，若烏臘蟲相隨，橫取之矣。



中平中京都歌曰承樂世董逃遊四郭董逃  
蒙天恩董逃帶金紫董逃行謝恩董逃整車  
騎董逃垂欲發董逃與中辭董逃出西門董  
逃望京城董逃日夜絕董逃心摧傷董逃案  
董謂董卓也言雖跋扈縱其殘暴終歸逃竄  
至於滅族劉昭曰卓以董逃之歌主為己發  
大禁絕之死者千數董卓末禮樂  
陳環賞刑失中毀譽無驗名後生故聲者為  
時人識者云舊曰世人次曰俗人今更曰時  
人此天促其期也  
無幾天下大瘡

獻帝初京都童謠曰千里草何青青十日卜

不得生案千里草為董十日卜為卓凡別字  
之體皆從上起左右離合無有從下發端者  
也今二字如此天意若曰卓自下摩上以臣  
陵君青青暴盛貌不得生者亦旋破亡童時又  
曰燕南垂趙北際中央不合大如礪唯有此  
中可避世公孫瓚以為易地當之逆徒鎮焉  
乃於城積穀待天下之變後素紹攻瓚大敗  
縊其妻子自焚紹兵趣斬之初瓚破黃巾殺  
劉虞乘勝南下侵據齊地雄威大振而不自  
閑廓遠圖欲以堅城觀時坐聽圍戮斯亦能  
易地而去世也

建安初荊州童謡曰八九年間始欲衰至十

三年無子遺

自中興以來荆州無破亂及劉表為牧又豐樂至此連八九年

當年無始衰者謂劉表妻當死諸將並零落十三

魏明帝太和中京師歌兒鈴曹子其唱曰奈

汝曹何此詩妖也其後曹爽誅曹氏遂廢

景初初童謡曰阿公阿公駕馬車不意阿公

東渡河阿公來還當奈何及司馬宣王遼東

歸會帝疾急召之乃乘追鋒車東渡河如謡言

齊王嘉平中謡曰白馬素羈西南馳其誰乘

者朱虎騎朱虎者楚王小字王凌令狐愚聞

此謠謀立彪事發凌誅彪死

吳孫亮初童謠曰吁汝恪何若若蘆葦單衣  
篋鉤絡於何相求常子閣常子閣者反語石  
子炯也鉤絡絢帶也及恪死果以葦裏篋束  
投之石子炯時公安又有白鼉鳴童謠曰白  
鼉鳴龜背平南郡城中可長生守死不去義  
無成南郡城可長生者有急易以逃也明年  
諸葛恪敗弟融鎮公安亦見襲融刮金印龜  
服而死鼉有鱗介甲兵之象又白祥也

孫休永安二年將守質子羣聚嬉戲有異小兒忽來言曰三公鋤司馬如又曰我非人熒惑星言畢上升仰視若曳一匹練有頃沒干寶曰後四年蜀亡六年魏廢二十一年吳平於是九服歸晉孫皓遣使者祭石印山下妖祠使者因以丹書巖曰楚九州渚吳九州都揚州士作天子四世治太平皓聞之意益張曰從大皇帝至朕四世太平之主非朕復誰恣虐踰甚尋以降亡近詩妖也

天紀中童謡曰阿童復阿童銜刀游渡江不畏岸上獸但畏水中龍武帝聞之加王濬龍驤將軍及征吳江西衆軍無過者濬先定秣陵晉武帝太康三年平吳後江南童謡曰局縮肉數橫目中國當敗吳當復又曰官門柱且莫朽吳當復在三十年後又曰雞鳴不拊翼吳復不用力于時吳人皆謂在孫氏子孫故竊發爲亂者相繼案橫目者四字自吳亡至元帝興於江東皆如謡言元帝懦而少斷局

縮肉者有所斥也

太康末京洛爲折楊柳歌其曲始有兵革苦  
辛之辭終以擒獲斬截之事是時三楊貴盛  
而被族滅楊后廢黜幽死折楊之應也

惠帝永熙中河內溫縣有人如狂造書曰光  
光文長大戟爲牆毒藥雖行戟還自傷又曰  
兩火沒地哀哉秋蘭歸形街郵終爲人歎及  
楊駿居內府以戟爲衛死時又爲戟所害楊  
后被廢賈后絕其膳八日而卒葬街郵亭北

百姓哀之也。武帝諱炎，兩火也。蘭，楊后字。

時又

有童謠曰：「二月末，三月初，荆筆楊板行詔書。」

宮中大馬幾作廔，此時楊駿專權，楚王用事。

故言荆筆楊板，二人不誅，則君臣禮悖，故云幾作廔也。

元康中，京洛童謠曰：「南風起，吹白沙，遙望魯國何嵯峨。千歲髑髏生齒牙。」又曰：「城東馬子莫嚙吮，比至來年，纏汝髮。」南風，賈后字。白，晉行也。沙門，太子小名。魯，賈謚國也。言賈后將與謚為亂，以危太子。而趙王因釁，咀嚙豪賢，以成篡奪，不得其死之應。



又元康中天下商農通著大鄣日時童謠曰  
屠蘇鄣日覆兩耳當見瞎兒作天子及趙王  
倫篡位其目實眇倫既篡洛中謠曰獸從北  
來阜頂汗龍從南來登城  
看水從西來河灌灌數月而齊王成都河間  
義兵同會誅倫案成都西藩在鄴故曰獸從  
北來齊東藩在許故曰龍從南來河間水從  
西來齊留輔政居于官西又有無君心故言  
登城者也

太安中童謠曰五馬游渡江一馬化為龍後  
中原大亂宗藩多絕唯琅邪汝南西陽南頓  
彭城同至江東元帝嗣統司馬越還洛童謠

曰洛中大鼠長尺二若不早去大狗至及苟  
晞將破汲桑

又謠曰元超兄弟大落度上桑打樵爲苟作  
由是越惡晞奪其兗州隙難遂構

愍帝初童謠曰天子何在豆田中至建興四  
年帝降劉曜在城東豆田壁中

建興中江南謠曰訇如白坑破合集持作甌  
楊州破換敗吳興覆甌甌案白者晉行坑器  
有口屬甍瓦甍質剛亦金之類訇如白坑破

者言二都傾覆王室大壞也合集持作甌者  
元帝鳩集遺餘以主社稷未能剋復中原但  
偏王江南故其諭小及石頭之事六軍大潰  
兵人抄掠京邑其後三年錢鳳復攻京邑阻  
水而守相持月餘日焚燒城邑并堙木刊鳳  
敗退沈充將其黨還吳興官軍踵之蹈藉郡  
縣充父子授首黨與誅者以百數所謂揚州  
破換敗吳興覆甌甌甌瓦器又小於甌也  
明帝太寧初童謡曰惻惻力力放馬山側大

馬死小馬餓高山摧石自破及明帝晏駕成  
帝幼爲蘇峻所逼遷于石頭御膳不足此大  
馬死小馬餓也高山峻也又言峻尋死石峻  
弟蘇石也峻死後石據石頭尋爲諸公所破  
復是摧山石破之應也

成帝末童謠曰礚礚何隆隆駕車入梓宮少  
日帝晏駕

咸康二年十二月河北謠云麥入土殺石虎  
後如謠言

庾亮初鎮武昌，出至石頭，百姓於岸上歌曰：庾公上武昌，翩翩如飛鳥。庾公還揚州，白馬牽旒旒。又曰：庾公初上時，翩翩如飛鳥。庾公還揚州，白馬牽流蘇。後連召不入，及薨喪還都葬，皆如謠言。

穆帝升平中，童兒輩忽歌於道曰：阿子聞曲終，輒云阿子汝聞不。無幾而帝晏駕，太后哭曰：阿子汝聞不。升平末，民間忽作廉歌。庾謙曰：廉者臨也。歌

云白門廉宮庭廉內外悉臨國家其大諱乎  
少時穆帝晏駕

哀帝隆和初童謠曰外平不滿斗隆和那得  
久桓公入石頭陛下徒跣走朝廷聞而惡之  
改年興寧人復歌曰雖復改興寧亦復無聊  
生哀帝尋晏駕外平五年穆帝上仙不滿斗  
外平不至十年也

海西公太和中百姓歌曰青青御路楊白馬  
紫遊韁汝非皇太子那得甘露漿識者曰白

者金行馬者國族紫色奪正明以紫間朱也  
海西公尋廢其三子並非海西公子縊以馬  
韁死之明日南方獻甘露

太和末童謠云犂牛耕御路白門種小麥及  
海西被廢百姓耕其門以種麥遂如謠言  
海西公初生皇子百姓歌云鳳皇生一雛天  
下莫不喜本言是馬駒今定成龍子其歌甚  
美其旨甚微海西公不男使左右向龍與內  
侍接生子以爲己子

桓石民爲荊州鎮上明。百姓歌曰：黃曇子，曲中又曰：黃曇英。揚州大佛來上明，項之而桓石民死。王忱爲荊州，黃曇子乃是王忱字也。忱小字佛大，是大佛來上明也。

孝武太元末，京口謠曰：黃雌雞，莫作雄父啼。一旦去毛衣，衣被拉颯。尋而王恭起兵，誅王國寶，爲劉牢之所敗。

會稽王道子於東府造土山，名曰靈秀山，無幾而孫恩作亂，再踐會稽。會稽道子所封，靈



秀恩字

庾楷鎮歷陽。百姓歌曰。重羅黎。重羅黎。使君南上無還時。後楷南奔。為桓靈寶所誅。

商仲堪在荊州。童謠曰。芒籠目。繩縛腹。商當敗。桓當復。未幾。仲堪敗。桓靈寶有荊州。

王恭鎮京口。舉兵誅王國寶。百姓謠云。昔年食白飯。今年食麥麴。天公誅謫汝。教汝捻嚙喉。嚙喉喝復喝。京口敗復敗。識者曰。昔年食白飯。得志也。今年食麥麴。麴麤穢其精已去。

明將敗也。天公將加譴譴而誅之。捻嚨喉氣不通。死之祥。敗復敗。丁寧之辭。恭尋死。京都又大行欬疾而喉並喝。

王恭在京口。百姓間忽云。黃頭小兒欲作賊。阿公在城下指縛得。又云。黃頭小人欲作亂。賴得金刀作蕃杆。黃字上恭字頭也。小人恭字下也。尋如謠言。

安帝隆安中。百姓忽作懊懷歌。其曲曰。草生可攬結。女兒可攬擷。尋而桓靈寶篡位。義旗

以三月二日埽定京都誅之。靈寶宮女及逆黨家子女悉爲軍賞。東及甌越北流淮泗皆有所獲。故言時則草可結。事則女可擷。靈寶既篡。又童謠曰。草生及馬腹。烏啄靈寶目。及敗走至江陵。時正五月。就誅。如其期焉。

桓靈寶時。民謠云。征鍾落地。桓逆走。征鍾至穢之服。桓四體之下稱。靈寶自下居上。猶征鍾之廁。歌謠下體之詠。民口而云落地墜地。逆走之言也。

司馬元顯時謠云當有十一口當爲兵所傷木  
巨當北度走入浩浩鄉又云金刀旣以剋疊疊  
金城中云是襄陽道人竺曇林所作孟頫曰  
十一口者玄字象也木巨桓氏當悉走入關  
洛故云浩浩鄉也金刀劉也唱義諸公多姓劉疊  
疊美盛貌靈寶得志童謠曰長干巷巷長干今  
年殺郎君明年斬諸桓及靈寶走而諸桓悉誅  
郎君元顯也

義熙初童謠曰官家養蘆化成荻蘆生不止自

成積其時官養盧龍寵以金紫奉以名州養之  
極也而龍舉兵內伐遂成讎敵及盧龍之敗斬  
伐其黨猶如草木以成積也盧龍據廣州人謠  
曰蘆生漫漫盡天半後據上流數州之地內逼  
京輦應天半之言三年小兒相逢於道輒舉其  
兩手曰盧健健次日闕嘆闕嘆末曰翁年老  
翁年老當時莫知所謂其後盧龍內逼舟艦  
蓋川健健也既至查浦屢剋期欲與官闕亦  
闕嘆之應時復有謠曰盧橙橙逐水流東風

忽如起那得入石頭廬龍果敗不得入石頭也  
符堅初童謠曰阿堅連牽三十年後若欲敗  
時當在江湖邊及堅在位凡三十年敗於淝  
水是其應也又謠云河水清復清符詔死新  
城及堅爲姚萇所殺死於新城復謠云魚羊  
田斗當滅秦識者以爲魚羊鮮也田斗卑也  
堅自號秦言滅之者鮮卑也羣臣諫堅盡誅  
鮮卑堅不從及淮南敗還初爲慕容沖所攻  
又爲姚萇所殺身死國滅

宋泰始末江南始傳種消梨爭欲種植識者  
曰當有姓蕭而來者十餘年齊受禪

元徽中童謠曰襄陽白銅蹄郎殺荊州兒後  
沈攸反雍州張恭兒襲江陵殺攸之子元琰  
齊武帝永明元年元日有小人發白虎搏旣  
醉與筆札不知所道直云憶高帝勅原其罪  
與青溪舊宮時人反之曰舊宮者窮廐也後  
帝晏駕宮人出居之  
永明初百姓歌白馬向城啼欲得城邊草後

句間云陶郎來白者金色馬者兵事三年賊唐寓之起言唐來勞也

武帝起禪靈寺成或曰禪者授也靈非美名所授必不得其人後太孫立見廢

永明中宮內坐起御食之外皆爲客食武帝以客非家人名改呼爲別食時人以爲分別之象少時帝晏駕

文惠太子在東宮作兩頭纖纖詩後句云磊磊落落玉山崩自此王相薨徂二宮晏駕文



惠又作七言後句輒云愁和諦後果和帝禪位  
永明中虜中謠云黑水流北赤火入齊尋而  
京師人家忽生火赤於常火熱小微貴賤爭  
取治病至有灸癭者數日差鄰人曰病偶自  
差豈火能爲此人便覺頤間癢明日癭還如  
故後梁果以火德興

文惠太子起東田時反語云後必有癩童果  
至太孫失位

齊宋以來民間語云擾擾建武上及明帝誅

害蕃戚京師危駭

東昏侯永元元年。謠曰。洋洋千里流。萋萋東  
城頭。烏馬烏皮袴。三更相告訴。脚踏不得起。  
誤殺老姥子。千里流者。江祐也。東城。遙光也。  
遙光夜舉事。垣歷生著烏皮袴褶奔之。跛脚  
亦遙光老姥子。孝字之。象徐孝嗣也。

又謠云。野豬雖嗥嗥。馬子空閭渠。不知龍與  
虎。飲食江南墟。七九六十三。廣莫人無餘。烏  
集傳。舍頭合汝得寬休。但看三八後。摧折景

陽樓識者解云陳顯達屬豬崔慧景屬馬非也東昏侯屬豬馬子未詳梁王屬龍蕭穎胄屬虎崔惠景攻臺頓廣莫門時年六十三烏集傳舍即所謂瞻烏爰止于誰之屋三八二十四起建元元年中興二年二十四年也摧折景陽樓亦高臺傾之意也言天下將去乃得休息齊宋際民間語云和起言以和顏而為變起後和帝立

崔惠景園臺城有五色幡飛翔在雲中半日

不見衆皆驚曰惜事尋當翻覆也數日惠景敗  
梁武帝夫監三年六月八日帝講於重雲殿  
沙門誌公忽起儼歌樂須臾悲泣賦詩曰樂  
哉三十餘悲哉五十裏但看八十三子地祇  
災起佞臣作欺妄賊臣滅君子若不信吾語  
龍時候賊起且至馬中間銜悲不見喜梁自  
天監至大同三十餘年江表無事至太清二  
年臺城陷帝享國四十八年是五十裏也太  
清元年八月十三而侯景自垂瓠來降在丹

揚之北子地。帝惑朱异言，納景。景之亂始自  
戊辰歲。至午年，帝以憂沒。十年四月八日，誌  
公於大會中作詩曰：兀尾狗子，始著狂，欲死  
不死，鬻人傷。須臾之間，自滅亡。患在汝陰，死  
三湘。橫尸一旦，無人藏。侯景，小字狗子，初自  
垂瓠來降，則古汝南也。巴陵南有地名三湘，  
即景奔敗之所。

天監中，茅山隱士陶洪景爲詩曰：夷甫任散  
誕，平叔坐談空。不言昭陽殿，忽作單于宮。及

大同季公卿唯以談虛爲務侯景作亂居昭陽殿

大同中童謡曰青絲白馬壽陽來其後侯景破丹陽乘馬以青絲爲羈勒

陳高祖初童謡曰黃班青驄馬發自壽陽溪來時冬氣未去日春風始其後後主果爲韓擒虎所敗是黃班也建康破復乘青驄馬往反時節皆相應後主時江南盛歌王獻之桃葉詞曰桃葉復桃葉度江不用楫但度無所苦我自迎接汝

及隋伐陳始置營挑葉山下韓擒虎度江大將任蠻奴至新林以導北軍之應

後主造齊雲觀國人歌曰齊雲觀寇來無際畔功未畢爲隋師所虜

祥明初作新歌詞甚哀怨令後宮美人習而歌之曰玉樹後庭花花開不復久時人以歌識不久之兆

後齊神武始移都鄴有童謠云可憐青雀子飛入鄴城裏作窠猶未成舉頭失鄉里寄書

與婦母好看新婦子。魏孝靜即清河王子。后則神武之女。鄴都宮室未備。即逢禪代。作窠未成之効。孝靜晏駕。文宣以后爲太原長公主。降楊愔。時婁后尚在。故言寄書新婦子。斥后也。

魏孝靜武定中童謠云。百尺高竿。摧折水底。然燈澄滅。高者齊姓。澄文襄名。五年神武晏駕。摧折之應。七年文襄遇害。澄滅之應也。文宣天保中。陸法和入國。書其屋壁曰。十年



天子爲尚可。百日天子急如火。周年天子迭代坐。時文宣享國十年。晏駕。廢帝嗣立百餘日。替厥位。孝昭即位一年而晏駕。此其效也。明帝武平元年。童謠曰。狐截尾。你欲除我。我除你。其年四月。隴東王胡長仁謀遣刺客殺和士開。事露。返爲士開譖死。

二年。童謠曰。和士開。七月三十日。將你向南臺。小兒唱訖。一時拍手云。殺却。至七月二十五日。琅邪王儼執士開。送南臺斬之。

是歲又有童謠

曰七月十一月未傷早九月與銑正好十月洗蕩  
飯笕王遇害十一月趙老七月士開被誅九月  
琅邪王遇害十一月趙  
彦深出為西兗州刺史

武平末童謠曰黃花勢欲落清罇但滿酌時

穆后母子邪僻干預朝政時人患之穆后小

字黃花尋逢齊亡欲落之應時葬中又有童謠曰金作婦帝

玉作把淨婦殿屋迎西家未幾周師入葬

周初童謠曰白楊樹頭金雞鳴祇有阿舅無

外甥靜帝隋氏甥既遜位後諸舅彊盛

宣帝與宮人夜中連臂蹋蹄歌曰自知身命

促把燭夜行遊帝即位二年晏駕

隋文帝開皇十年幸并州宴秦孝王及王子相帝爲詩曰紅顏詎幾玉貌須臾一朝花落白髮難除明年後歲誰有誰無明年子相卒十八年秦孝王薨

煬帝大業十一年帝自京師如東都至長樂宮飲酒大醉賦詩卒章曰徒有歸飛心無復因風力令美人再三吟詠帝泣下霑襟帝因幸江都作詩曰求歸不得去真成遭箇春鳥

聲爭勸酒梅花笑殺人。帝以三月被弑。即遭  
春之應。是年盜賊蜂起。道路隔絕。帝懼。遂無  
還心。復夢二豎子歌曰。住亦死。去亦死。未若  
乘船度江水。由是築宮丹陽。將居焉。未就被殺。  
大業中童謠曰。桃李子。鴻鵠遶陽山。宛轉花  
林裏。莫浪語。誰道許。其後李密坐楊元感爲  
吏所拘。在路逃叛。潛結羣盜。自陽城山來襲  
洛口倉。屯兵苑內。莫浪語密也。字文化及。自  
號許國。尋亦破滅。誰道許者。蓋驚疑之辭。

唐高宗調露中欲封嵩山累草儀注有事不行謠曰不畏登不得但恐不得登三度募兵馬傍道打騰騰帝至山下以疾還宮

永徽末里歌有桑條韋也女時韋也樂及神龍中韋后用事鄭愔作桑條歌十篇

龍朔中俗中飲酒令曰子母去離連臺物倒俗謂盃盤爲子母又名盤爲臺及中宗廢於房州之應時里歌有突厥鹽及則天遣閭知微送武延秀使突厥突厥因延秀立知微爲

可汗挾之入寇

則天如意初里歌黃麋云黃麋黃麋草裏藏  
彎弓射爾傷後契丹李萬榮叛陷營州則天  
令曹仁師王孝傑將兵百萬討之大敗於黃  
麋契丹乘勝至趙郡

垂拱已後東都有挈苾兒歌皆奢艷之詞後  
張易之兄弟有內嬖易之小字挈苾

憲宗元和中童謠云打麥麥打三三三乃轉  
身曰舞了也及武元衡爲盜所害果元和十

---

年六月三日

洪範政鑒卷第八之上

---

洪範政鑒卷第八之下

金行下

毛蟲之孽

魯莊公十七年冬多麋劉歆曰毛蟲之孽爲  
災劉向曰麋之言迷也蓋牝獸時莊公將取  
齊女其象先見天戒若曰勿取齊女邪而迷  
國莊不寤遂取之夫人既入通於二叔皆誅  
死

謂慶父縊死叔牙  
爲齊人殺哀姜幾亡社稷

漢昭帝時昌邑王賀聞人聲曰熊視而見大



熊左右莫見以問龔遂遂曰熊山野之獸來入宮室王獨見之此天戒大王恐宮室將空危亡象也賀不寤後失國

順帝陽嘉元年十月中望都蒲陰狼殺童兒九十七人李固曰臣案京房占君無道害將及人厥災狼食人願覺寤求隱滯狼災息靈帝光和三年正月虎見平樂觀及憲陵齧衛士蔡邕曰政有苛暴則虎食人

晉武帝太康六年南陽獻兩足猛獸此毛蟲

之孽也。識者曰：虎形有虧，金獸失儀，其兆禍也。京房曰：足少者，下不勝任也。干寶曰：獸者，陰精居于陽，金獸也。南陽，火名也。金精入火而失其形，王室隳之妖。六水數言水數既極，火慝作，金受其敗。至元康九年，殺太子。距此十四年，二七十四，火始終相乘之數也。自帝受命，至愍懷廢，凡三十五年。

太康七年十一月，四角獸見于河間。王顯以獻。天戒若曰：角兵象，四者四方之象，當有暴

兵起於四方。後河間王遂連兵作爲亂階之應。懷帝永嘉五年。蠃鼠出延陵。郭璞曰。此東郡之縣。當有妖人欲稱制者。尋亦死。其後吳興徐馥殺太守袁琇。馥亦滅。是其應也。

成帝咸和六年正月。會州郡秀孝於樂賢堂。有麇見於前。獲之。孫盛以爲吉祥。夫秀孝天下彥士。樂賢堂所以樂養賢也。自喪敗以後。風教陵夷。秀孝策試之四科之實。麇興於前。或斯故乎。

哀帝隆和元年十月有塵入東海第百姓謹言主入東海第及海西廢爲東海王乃入其第孝武太元十三年四月祠廟畢有兔行廟堂上天戒若曰兔野物也集宗廟之堂不祥之甚齊明帝建安四年春當郊宿設已畢夜虎攫傷之又有鹿入景皇寢廟皆帝晏駕禪代之應梁武帝中大同元年邵陵王綸在南徐州卧内方晝有狸闕欄上獲之及侯景之亂綸將兵援臺城至鍾山有螯熊至齧綸所乘馬皆

毛蟲之孽也。綸尋爲王僧辯所敗，爲魏所殺。武帝時，每夜孤鳴闕下，數年乃止。案占野獸羣鳴，邑中空虛，未幾國破，死喪略盡。

陳後主祥明初，狐入牀下，捕之不獲。未幾國滅。後魏道武登國中，河南有虎七頭，卧河側。三月去後一年，蚩蜋白鹿盡度河北，此衛辰滅亡之應。及誅其族，悉投河中。

孝文太和元年五月，有狐截人髮。時文明太后臨朝，行不正之罰。

明帝興平二年六月又有狐截人髮民相驚  
時靈太后非道之應

東魏武定三年九月豹入鄴城南門格殺之  
五年八月豹又上銅爵臺案占野獸入邑及  
王朝廷若道上官府門有大害君亡是歲東  
魏敗於玉壁神武遇疾

後齊武成武平二年有兔出廟社之中案占  
兔入王室其君亡廟者祖宗神室後五歲周  
師入鄴後主東奔

武平末并隸諸州多狼食人案占狼貪暴之  
獸犬體以白色爲主兵之表也又似犬近犬  
禍也時帝任用小人競爲貪暴殘賤人物食  
人之應尋爲周軍所滅

武平中朔州府門外有小兒腳跡又擁土爲  
城雉之狀察之乃狐媚所爲漸流至并鄴是  
歲南安王思起兵北朔直指并州爲官軍所敗  
犬禍

魯襄公十七年宋國人逐猘狗

猘狂也入於華

臣氏

元華臣子

國人從之。臣懼，遂奔陳。先是，臣

兄閔爲宋卿，閔卒，臣使賊殺閔家宰，遂就其

妻。宋平公聞，欲逐之。向戍曰：「大臣不順國之

恥也，不如蓋之。」公迺止。華臣炕暴失義，內不

自安，故犬禍至以奔亡。

漢高后八年三月，被霸上。

被者，除惡之祭。

還過枳道。

見物如倉狗，擗后掖。

擗，謂拘持也。音戟。

忽不見，卜之。

趙王如意爲祟，遂病掖傷而終。先是，后燭殺

如意，支斷其母戚夫人手足，摧其眼，以爲人



彘之報

文帝後五年齊雍城門外有狗生角

雍城門名

先是帝兄齊悼惠王亡後帝分齊地立其庶

子七人爲王

齊孝王將闕、濟北王志、菑川王賢、膠東王雄、北海王卬、濟南王賢

王辟光并城陽恭王喜

兄弟並彊有炕陽心故犬禍見

犬守御角兵象在前而上嚮者也犬不當生

角猶諸侯不當舉兵嚮京師也諸侯不寤後

六年吳楚畔濟南膠西膠東三國應之舉兵至

齊齊王猶與城守三國圍之會漢破吳楚因誅

四王故天狗下梁而吳楚攻梁狗生角於齊

京房曰執政失下將害之厭妖狗生角  
角君子苟免小人陷之厭妖狗生角

景帝三年二月邯鄲狗與彘交悖惡之氣近

犬豕之禍也時趙王悖惡與吳楚謀逆遣使

匈奴求助兵卒伏其辜犬兵革失衆之占豕

北方匈奴之象逆言失聽交於異類以生害

也京房曰夫婦不嚴厭妖狗與  
豕交故謂反德國有兵革

成帝河平元年長安男子石良劉音相與同

居有如人狀在其室擊之爲狗走出去後有

數人被甲持兵弩至良家格擊或死或傷皆  
狗也自二月至六月乃止

魏侍中應璩在直廬歟見一白狗出門問衆  
人無見者踰年璩卒近犬禍也

吳諸葛恪征淮南歸將朝犬銜引其衣恪曰  
犬不欲我行乎還坐有頃復起犬又銜衣乃  
令逐犬遂升車入被害

晉武帝太康九年幽州有犬鼻行地三百餘  
步時帝不思和嶠之言卒立惠帝以致衰亡

是言不從之罰也

公孫文懿家有犬冠幘絳衣上屋此犬禍也  
屋亢陽高危之地天戒若曰亢陽無上偷自  
尊高狗而冠者也及文懿立爲燕王果爲魏

所滅

京房曰君不正臣欲  
篡厥妖狗出朝門

惠帝元康中吳郡婁縣人家聞地中有犬聲  
掘之得雌雄各一還置窟中覆以磨石經宿  
失所在時帝旣衰弱藩王相譖故有犬禍  
永興元年丹陽內史朱遠家犬生三子皆無

頭後達爲刺史曹武所殺

懷帝永嘉五年吳郡嘉興張林家狗人言云  
天下人餓死後果有二胡之孽

愍帝建興元年狗與豬交犬兵革之占豕北方  
匈奴之象逆言失聽異類相交必生害也  
俄而帝没于胡

元帝太興中吳郡太守張懋聞齋內牀下犬  
聲求不得旣而地自坼見有二犬取而養之  
皆死懋尋爲沈充所害

京房曰  
犬生妖  
則犬生妖  
臣在

太興四年廬江潯縣何旭家忽聞地中犬聲掘之得一母犬青釐色狀甚羸瘦走入草中不知所在視其處有二犬一雄一雌哺而養之雌死雄活及長爲犬善噬野獸其後旭里中爲蠻所沒

安帝隆安初吳郡治下狗常夜吠聚高橋上人家狗有限而吠聲甚衆或有夜覘視之云一狗假有兩三頭皆前向而吠無幾孫恩擾於吳會

隆安中輔國將軍孫無終家于既陽地中聞犬聲尋而地坼有二犬子皆白色一雄一雌取養之皆死無終後爲栢靈寶所誅滅

尸地子

中有犬名曰地狼夏鼎志曰掘地得犬名曰賈此蓋自然之物不應出而爲犬禍也

栢靈寶將拜楚王已設拜席靈寶未及出有狗來便其上靈寶性猜暴無敢言者遂狗改席而已天戒若曰靈寶無德叨大位故犬便其席示妄據之甚後八十日靈寶敗後齊文宣天保四年鄴中頓丘並有犬與女

子交諄惡之氣炆陽失衆之應也時帝不恤國政恩澤不流其國

後主時犬爲開府儀同、雌者有夫人、郡君之號、給兵以奉養、食以梁肉、藉以茵蓐、天奪其心、爵加於犬、近犬禍也、天意若曰、卿士皆類犬、後主不悟、遂以取滅

後周武成保定三年、有犬生子、鬐已後分爲兩身、二尾、六足、犬猛畜而有爪牙、將士之象也、時宇文護與侯伏侯龍恩有謀、懷貳犬體



後分之應

隋煬帝大業元年鴈門百姓間犬多去其主群聚於野形變如狼而噉噬行人數年而止案占犬守禦者也今去其主臣下不附之象形變如狼狼色白爲主兵之應後帝窮兵黷武勞役不息天戒若曰無爲勞役守禦之臣將叛而爲害帝不悟遂起長城之役續有西域遼東之舉天下怨叛及江都之變並宿衛之臣也

白眚白祥

漢武帝夫漢元年三月天雨白毛三年八月

天雨白毛

顏師古曰毛之彊曲者

京房曰前樂後憂

厥妖天雨羽邪人進賢人逃天雨毛貴人出

走天雨毛

又曰其國大幾

晉武帝泰始八年五月蜀地雨白毛此白祥

也時益州刺史皇甫晏伐汶山胡從事何旅

固諫不從牙門張弘因衆之怨誣晏謀逆害

之三占皆應

惠帝永寧元年齊王囧舉義軍軍中有小兒  
出襄城繁昌縣年八歲髮體悉白頗能卜蓋  
白祥也

成帝咸康初地生毛孫盛曰勞人之異也是  
後石季龍滅而中原向化將相皆甘心焉於  
是方鎮屢革邊戍仍遷皆擁帶部曲動有萬  
數征伐賦役無寧歲天下勞擾百姓疲怨  
孝武太元二年五月京都地生毛後四年民賊  
次襄國圍彭城向廣陵征忒仍出兵連年不解

十四年四月京都地生毛時符堅滅後經略  
多事人勞之應也

安帝元興三年五月江陵地生毛時江陵見  
龍數交戰之應

義熙十三年三月地生毛明年王旅西討司  
馬休之明年北埽關洛

梁武帝大同二年地生白毛長二尺先是  
大發卒築浮山堰功費鉅億功垂就而復潰百  
姓厭役吁嗟滿道

後齊文宣河清元年九月滄州及長城之下  
地多生毛或白或黑長四五寸時北築長城  
內興三臺人苦勞役之應

隋文帝開皇六年七月京師雨毛如髮尾長  
者三尺餘短者六七寸時關中旱米粟涌貴  
之應

木沴金

周威烈王二十三年九鼎震

威烈王諡也  
即赧王之祖金

震木動之也是時周室衰微刑重而虐號令

不從以亂金氣。鼎者宗朝之寶器。宗廟將廢。寶鼎將遷。故震動也。是歲晉三卿韓魏趙篡晉君而分其地。威烈王命以爲諸侯。天子不恤同姓而爵其賊臣。天下不附。後三世秦遂滅周而取九鼎。九鼎之震。木泠金失。衆甚。

漢成帝元延元年正月。長安章城門門牡自

亡。

牡所以。下閉者。亦以。鐵爲之。非出。爲也。

函谷關次門牡亦自

亡。京房曰。饑而不損。茲謂泰。厥災水。厥咎牡。亡。妖辭曰。關動牡飛。辟爲亡道。臣爲非。厥咎

亂臣謀篡谷永曰章城門通路寢之路函谷關距山東之險城門關守國之固固將去焉故牡飛

魏齊王正始末河南尹李勝治聽事有小材激墮槌受符石彪頭斷之此木沴金也勝後旬日敗

晉惠帝元康八年五月郊禋壇石中破爲二此木沴金也郊禋者求子之神無故自毀太子將危之妖明年愍懷廢

孝武太元十年四月謝安出鎮廣陵始發石頭金鼓無故自破此木沴金也天戒若曰安徒揚經略之聲終無其實鉦鼓不用之象月餘以疾薨

梁武帝大同十二年曲阿建陵隧口石麒麟動木沴金也動者遷移之象天戒若曰園陵無主石麟將爲人所徙後國亡

其年送辟邪二于建陵左雙角者至陵所右獨角者將引於車上振躍者三車兩轅俱折



因換車未至陵二里又躍者三每一振則車側人莫不聳奮去地三四尺車輪陷入土三寸木沴金也劉向曰失衆心令不行言不從亂金氣也石爲陰臣象臣將爲變之應梁武暮年不以政事爲意唯講佛經談空而已朝綱紊繁令不行言不從之咎

後齊文宣河清四年殿上石自起兩兩相擊睦孟曰石陰類下人象殿上石自起者左右親人離叛之應及周師東伐寵臣尉相願韓

建業之徒皆叛入周

後周明帝建德元年濮陽石像郡官合載向  
府將刮取金在道自躍投地者再乃以大繩  
縛著車壁又絕繩而下時帝既滅齊又事淮  
南征伐疲弊失衆心之應

洪範政鑒卷第八之下